

沈從文著

風

人

詩

選

風人詩選

李猷署於



風人詩選

初客杭州

時年十五就讀杭州

夢回只道是家鄉。風雨寒燈不見娘。獨卧萬山千水外。被頭猶帶太陽香。

閑立

枯樹梢頭風颯颯。照衣月色冷如雪。空階小立聽書聲。星斗滿天天一碧。

回鄉口占

塔牽高樹似來迎。帆落歸舟入邑行。一石一花皆舊識。鳥啼也覺是鄉聲。

山居

時寓平水萬壽庵

萬竹陰中掩草廬。鐘聲才罷月來初。山居何事堪回味。松葉爐邊吃苦珠。蕭蕭四顧竹雲翻。獨坐高樓百尺巔。雪映黃昏明似月。閑持一卷讀隨園。

山中夜望

酒醒夜半倚長松。月黑深林靜不風。回首忽驚鐃鼓起。千峰雪映一燈紅。

白屋吟

白板爲牆隔兩廂。臥床間壁即神堂。漫笑寒門無是處。嘉名舊錫大書房。
爲曾祖讀書處

略遮天井作書房。一室如舟屋後藏。破畫家傳糊敗壁。往來談笑有蘇黃。
二友姓

安排爐竈到庭階。細竹承瓴雁列斜。一語解嘲還自笑。吾家椽子也雖花。
空庭學圃種南瓜。夏日無炎綠自遮。阿娘大有詩人意。閑疊甃磚種菊花。

一 別

余生長于閩七歲失怙返會稽祖籍忽忽十餘載矣

一別榕城十度霜。他鄉只道是家鄉。夜來猶作還鄉夢。萬里風濤撼枕床。

杭州旅邸偶占

夢裡春光望轉遙。風霜世路太蕭條。滿腔熱血流無地。并作錢塘一夜潮。

偕雅農遊梅園

時就讀無錫國專

結伴尋春興足誇。縱然無酒不妨茶。歸來齒頰留香冷。飽食梅園萬樹花。
太湖萬頃一奩開。七十二峰作浪堆。呼酒龜頭渚上坐。無邊黛色人杯來。

偕雅農遠遊西安不遇而歸

埋首寒窗學未成。時艱蒿目氣難平。囊羞不礙長風志。一笑揚鞭指帝京。
風波世路險環生。攜手相看一笑輕。小岨肯寒男子血。雄關重約後年盟。

長安記遊

拔地摩天萬仞峰。窟居猶見古民風。洪荒極目鳥無迹。一片獸皮懸洞中。
無邊曙色自天開。黃土滔滔作浪堆。忽見金光飛射處。紅妝跨出一驢來。
信有人間行路難。一車顛簸出重關。峰巒無數童如濯。雲外蒼茫辨華山。

贈阿鴻

才到柯橋又欲行。依依攜手立柯亭。白雲江上纏綿甚。不及阿鴻送我心。

無題

昌安門外柳絲長。古洞橋邊艾草香。如此風光非昨日。爲誰憔悴立斜陽。
檻外依依柳影斜。高枝風動冷驚鴉。傷心司馬池頭月。曾照伊人舞落花。

月移

月移花影上窗紗。簾動風吹疑是他。倚枕欲眠眠又起。丁鈴數盡隔牆車。

高梧

高梧百尺葉驚風。風露盈庭月半空。知是夜深猶未睡。隔窗隱隱一鐙紅。

獻

不怨生生死死休。願爲朝露化枝頭。縱然君是人間獄。我作銀鐺階下囚。豈有星辰離碧落。從無朝露拒陽光。縱然君是獄中火。我到火中作鳳凰。

海燕

暴雨狂風趨若歸。海天萬里一翎微。朝來日出魚龍寂。更掠晴波下上飛。

偕元慶遊夜

十里洋桐影欲浮。柏油道上月如流。劇憐後夜車聲定。一笑相看露滿頭。教堂塔頂露微明。街巷頻傳喚賣聲。爭起勞民營活計。高樓春夜夢初成。

神女

街上殘燈半隱明。爲誰悄立夜三更。風多露重行人絕。柝柝惟聞賣粥聲。

青壇旅次

裊裊餘音猶在耳。峩嶸不見夢中人。一燈如豆空堂寂。四野鳴蛙作雨聲。

滿窗風雨夜何如。獨對寒燈一紙書。萬語千言何處起。幾回落筆又躊躇。

燈 芯

莫道纖纖弱不禁。英雄自古孰如卿。擎將一點如星火。直把長宵照到明。

人 獄

獄門一人深如海。從此抬頭不見天。今夜夢魂應有願。憑風吹到洞橋邊。同是天涯淪落人。相逢何必問平生。鐵門初上鎖初落。第一銷魂是此聲。

讀妹書

千珍萬重一封郵。字里行間淚暗流。埋怨阿兄多事處。獄中還要替家愁。

秋 風

一陣秋風斷客魂。滿庭落葉正紛紛。遙知慈母停刀尺。又爲阿兒拭淚痕。

寒衣曲

一燈風雨倍淒涼。愁比手邊綫更長。爲恐阿兒身上冷。夢中猶自紉衣裳。

生 日

青燈隱隱夜迢迢。濕盡寒衾淚未消。夢里依稀慈母語。阿璋生日是今朝。

弟信中語

別來三月竟成癡。寢食昏晨總不知。只是紛紛淚如雨。一燈小影對兄時。

歡聲

歡聲雷動遏雲霄。雪吐天邊一綫遙。攜手萬人叢裡立。兩年前看浙江潮。

此情

此情脈脈兩心知。已覺數行太費詞。總是自家拋不得。勸人只道莫相思。

示妹

一別悠悠半載餘。故園風物近何如。青春寂寞宜加餐。寒夜風霜好讀書。老母能歡須著意。友朋從怪不妨疏。阿兄會有歸來日。記取門庭早掃除。

兩心

脈脈兩心那可疏。不須惆悵怨離居。能甘寂寞情才久。肯耐艱難境自舒。獨處應懷三字約。相思多寄幾封書。等閑莫濕春衫袖。修竹陰深好待渠。

秋思四首

白雲漠漠起秋風。回首歡場似夢中。最是天涯腸斷處。黃昏人定一聲鐘。

故鄉好是近黃昏。閑看歸舟靜愛雲。最憶石頭橋上坐。手持一卷倚斜曛。四更天氣冷颼颼。雲薄羅衣不耐秋。天外玉盤圓幾許。清光一片在牆頭。夢回猶自淚依稀。窗色朦朧燈影迷。真個有情說不得。五更天氣一聲鷄。

出獄

一笑登車出獄前。今朝頭上有青天。相逢喜絕翻成涕。握手相看各惘然。

笙歌

笙歌散後尚憑樓。明月如霜夜正秋。自是心中無一事。不知雙淚爲誰流。

哭叔

回首湖遊成永訣。撫靈一慟淚洑瀾。歸來燈下猶疑夢。數紙遺箋墨未乾。

過南昌

滔滔江水東流去。金碧滿城烟樹間。獨立南昌橋上望。雲中何處是廬山。揚子江頭夕照斜。半天赤壁醉流霞。孤帆遠在碧雲外。如此風光猶憶家。

征途

匆匆又上雕鞍去。岩葉澗花一瞥間。行過前溪偶回首。斜陽一片在青山。

戎馬初停汗未乾。愛從風里解征衫。斜陽已在青山外。萬竹陰中卧急灘。

憶友

人間知我孰如君。第一分明辨怨恩。聞道浣紗溪水赤。天涯處處爲招魂。
日初諸賢人得罪巨室遇刺于其鄉之大橋畔

初逢猶憶在山陰。徹夜無眠感賞音。爲道秦家園裡好。斷烟殘石會心深。
玄青極稱道秦家舊園愛其頽廢也

天涯轉似九秋蓬。回首廿年墜夢中。一種傷心誰識得。孤燈夜雨憶靈鐘。
靈鐘自西安寄一信後即斷絕音問生死未卜

筭山

野渡無人古廟東。小橋流水雨濛濛。筭山落寞烟如夢。獨倚危欄數斷篷。

聞警

烽火起江干。連宵夢未安。倚門一悵望。風雪路漫漫。

歲暮

分明踏雪夜歸家。檐外寒梅正著花。夢醒孤窗風未定。一燈搖處是天涯。

風雪漫天近歲除。長街處處賣桃符。干戈滿地歸何易。此日有家不若無。

山陰阻雪寄吳嘉天目

深山踏雪到君家。先濯足今後吃茶。村酒醉人情更醉。夜來風雨夢吳嘉。

夢中聞兒學語

寂寞山城春欲去。潺潺一夜桃花雨。曉窗日暖鳥爭呼。疑是牙牙兒學語。

寄內

烽火連江又一年。漫天風雪倍淒然。那堪客裡重爲別。燈黑宵深又獨眠。

雙溪雜咏

連朝風雪送殘臘。一壁斜陽喜晚晴。老婦抱雛門外立。兩三鷄鴨繞階鳴。
竹影參差梅影斜。松風吹月到山家。東籬翻笑傲霜菊。未到歲寒先落花。
嚴冬已去寒猶峭。殘雪枝頭未放梅。愁煞雲開風又合。亂鴉如墨潑天來。
曉鳩啼處冒紅陽。漾漾春波欲滿塘。一樹杏花明眼處。隔牆挑出綠衣裳。
客中歲月不關情。閑向陌頭自在行。忽見新墳飄白紙。方知今日是清明。
黃茅蓋屋土爲牆。一樹桃花映夕陽。三兩女兒喧笑處。池塘水暖浣衣裳。

淡雲微抹晚山青。草徑無人一杖經。漫道荒邱春不到。野花開得滿天星。

歸夢

城頭無復舊旌旗。日暮東風胡馬嘶。惟有青青堤上柳。迎人猶弄往時姿。
斜陽門巷認依稀。寂寞空巢落燕泥。樓外青山應有恨。向人無語只眉低。
越王臺上生新草。望海亭邊覓舊踪。十里龍山何限恨。東風斜出一旗紅。

山中行

行人千山萬壑中。亂泉如雨落松風。荒村野店無人問。一樹桃花自在紅。
夕陽猶照半紅牆。柳絮風吹滿店香。愁倚客窗聽杜宇。湖山何處是家鄉。

哀江南

雙燕飛飛傍故城。滿堤烟絮弄新晴。風吹細柳鶯喉澀。雨濕殘花馬足輕。
半塔斜陽紅欲醉。一洲芳草碧無情。南朝多少傷心事。盡付漁榔牧笛聲。
流水灣灣抱小橋。梨花閉戶易魂銷。微風白袷春三月。細雨黃昏尺八簫。
雙鬢綠痕隨夢逝。一燈紅影隔樓遙。誠知借酒難澆恨。遮莫相思逐海潮。
雨餘初覺綠陰肥。歸鳥馱暄入翠微。陌上兒乘青竹馬。山中人掩白雲扉。

花飛院落春仍在。草滿天涯客未歸。望海亭邊風似夢。爲誰側帽立斜暉。
雲散長空一色鮮。千峰翠欲上吟鞭。白雲有意歸深岫。紅雁無書到遠天。
芳草斜陽吹牧笛。桃花流水問漁船。山溪九曲源何在。隱隱朱欄隔碧烟。

冷落

冷落東風車馬稀。捲簾無語對斜暉。人情自古如蜂蝶。只向花香多處飛。

烽火

連江烽火阻歸程。辜負江南三月春。每向無人成獨醉。誰知不語最傷神。
一燈寂寂青山夢。千里迢迢白髮親。明月無情寧有意。團圓偏自照離人。

新月

新畫娥眉尚未成。驚心忽見海揚塵。瓊樓玉宇知何處。剩水殘山寄此身。
起舞更無人可共。舉杯惟有影相親。何年消得今宵恨。重向菱花伺淺顰。

武陵感舊

衣冠盛見小朝廷。清濁誰猶別渭涇。千古冤沈三字獄。十年政在半閑亭。
跨驢只合英雄老。立馬難教醉夢醒。山外青山樓外水。畫船蕭鼓不堪聽。

水決西湖邑盡魚。錢塘豈是帝王居。五陵春草車無跡。二聖胡沙雁有書。
歌舞六橋謀獨樂。戰和一局計全疏。可憐聚遠樓頭月。猶自團圞照廢墟。
直把杭州作汴城。一湖如鏡閱枯榮。威看崇國夫人畜。恩到宋家五嫂羹。
閉戶猶防增感慨。放燈只許頌昇平。錢王空挽三千弩。夜夜江潮有怒聲。
鳳凰山下起樓臺。只樂斯鄉不復回。擁戟自爲丞相重。長齋誰識潞王哀。
蒼生淚盡天難問。白骨邱成宴尚開。走馬夕陽防意外。金師忽報渡江來。

避亂麗水

鳥道盤旋入洞天。桃花鷄犬雜人烟。不是先生避秦亂。安能見此好山川。

雙龍洞

一津巖覆水。對渡卧扁舟。古洞疑天棄。長宵秉燭遊。雙龍雲動壁。

百怪石驚眸。磴爾鳴鐘鼓。洞盡有垂珠及石鐘鼓等俗稱龍宮珠宮仰冕旒。

冰壺洞

雨濺雷鳴佇不前。洞中何處有雲天。探幽更逐螺梯下。百丈銀河訝倒懸。

朝真洞

行盡洞天三十六。微光一綫漏崔嵬。憑君莫瀆天池水。恐有老龍洗耳來。

講堂洞

不上天臺上講堂。弦歌古洞仰劉郎。當年想見春風裡。桃李三千各競芳。

題畫九首

石頭城上月輪高。獨向江樓聽晚潮。多少六朝興廢事。山歌一曲出漁樵。
畫欄風定落花香。軟語呢喃話夕陽。我欲捲簾問燕子。可知好景是他鄉。
飛帆掠水疾于梭。去鳥還從枕後過。暮暮朝朝看不厭。江南江北青山多。
白雲深鎖萬章松。遙露蕭牆一角紅。老僧歸去隨飛鳥。林葉紛紛落暮鐘。
萬里雲波影欲浮。飛帆掠水疾于鷗。阿儂也有乘風志。日暮春江獨倚樓。
十里風烟入望迷。占亭渡口一篷低。絕憐萬縷千絲意。迎得東來又送西。
碧天如水月如眉。烟樹蒼茫接翠微。獨立陌頭人不識。閑看一鳥人雲飛。
潮漲秋江兩岸平。中流風急一葦輕。山城日暮悲笳動。愁煞江頭喚渡人。
去去雲山歷萬重。天涯容易又西風。斷橋秋色那堪問。盡在胡笳羌笛中。

阿儂

阿儂家住碧溪頭。古岸垂楊夜泊舟。夢裡依稀風月曉。一聲欸乃出蘆洲。

自金華避亂衢州行裝盡付一炬衢州旋復告警舉家倉皇出走

流離衢開道中

避胡倉卒入山行。馬亂兵荒日數驚。最是一家空似洗。鷄雛無母繞啼鳴。
十里村疇廢不耕。風吹破屋馬長鳴。殘宵夢斷寒窗雨。愁聽蕭蕭嚙草聲。

行行

行行不盡路如梯。林外村烟望轉迷。負子婦還扶白髮。入山道只問青溪。
家遙反覺天爲近。日暮真慚鳥得栖。今夜蟾圓果何意。人間骨肉各東西。

挈眷避亂開化某田家以新婦房讓居久雨牆傾幾及于難

讓舍分漿感最深。野人猶有己饑心。諸公只解雲爲態。卻作奇峰不作霖。
夜半梁摧夢乍驚。夢中猶作太平民。天留微命知何意。風雨扶持要有人。

賦閑

春草盈階綠待刪。蓬門雖設而常關。莫嗟三月不知肉。應喜佐餐猶有鹹。

圍坐火爐磕牙齒。獨摩牌骨殺時間。從教戶外雲風變。難得兵間是賦閑。

流寓於潛鶴村

兩餐薄粥當三餐。薪桂糧珠物物咸。鮮菜偶嘗頗有福。臭鼈慣嚼鼻無嫌。
一豬遠屠人爭肉。百味長調椒作鹹。山村無鹽以椒代之莫道村前溝水污。家家甘似涸魚饑。

寒宵三絕句

風雨深宵夢數驚。阿娘痛喘子饑鳴。原知貧病尋常事。其奈愁人是此聲。
被薄風多睡不成。嬌兒惡卧又身傾。一燈如豆愁如海。知是寒宵第幾更。
眼重如山倦不撐。心同蜀道豈能平。又從燈影低迷里。愁聽鷄鳴第一聲。

屋漏

屋漏偏逢苦雨天。自憐不屑況人憐。閑聽淅瀝盆甌響。一笑牀頭撐傘眠。

國難方殷母病復篤

已至貧無錐。奈何病復連。母年如可贖。兒死願求先。傾海愁難洗。
移山恨莫填。傷心成不語。凝淚望蒼天。